
ҚЎШТЕПАДА ҚУЁНЧИЛИК РИВОЖЛАНТИРИЛИБ, ХОНАДОНЛАРДА ҚУЁН БОҚИШ ЙЎЛГА ҚЎЙИЛАДИ

Вилоят ҳоқими Хайрулло Бозоров ва секторлар раҳбарлари Қўштепа туманидаги Солижонобод МФЙда жойлашган Қўштепа туманидаги “Водий насли қуёнлари” масъулияти чекланган жамияти шаклидаги агрофирмада бўлдилар.

Ўтган 2020 йилда 14,2 миллиард сўмлик лойиҳани амалга ошириш натижасида барпо этилган агрофирма, дастлаб Россиядан 2 минг бош “Ҳикол” зотли қуёнларни келтириб фаолият бошлаган бўлса, ҳозирда бу ерда 15 мингга яқин қуён парваришланмоқда.

20 дан зиёд доимий иш ўрни яратилган корхона раҳбари Нуриддин Иминов, вилоят раҳбари билан мулоқотда қуёнлар сонининг ошиши натижасида озуқа базаси учун ажратилган ер майдони етарли бўлмаётганини айтиб, қўшимча ер майдони ажратиш масаласида амалий ёрдам берилишини сўради.

Вилоят ҳоқими қуён гўшти учун бозор топиш, уни экспортга йўналтириш бўйича ўз тавсияларини билдирди. Шунингдек, туман ҳоқими 50 гектар ўзлаштирилмаган майдонни тадбиркорга бериш орқали унга кўмак кўрсатиш ва туманда қуёнчиликни янада ривожлантириш лозимлигини қайд этди. Тумандаги маҳаллаларда аҳоли даромадини ошириш, шунингдек бозорлар тўкин-сочинлигига эришиш, асосийси бу борада давлатимиз раҳбарининг яқинда берган топшириқлари ижросини таъминлаш учун хонадонларда қуён боқишни йўлга қўйиш зарурлигини таъкидлади.

Бизни ижтимоий тармоқларда кузатинг [Facebook](#),
2021-12-03 18:21:56